

671.3449  
074  
17

重修固始縣志

卷五

邑令武進謝聘修

祠廟上第十

社稷壇

在西門外一里餘

月令。春之月擇元日命民社

東門外。春之月擇元日命民社。所以祭五穀之神。所以祭五穀之神。

固始縣志 卷五

原书缺页

原书缺页

鄉鎮里保市集邨莊第八

卷九

疆里古蹟陵墓寺觀第九

卷十

祠廟上第十

祠廟下第十一

卷十一

衙署倉廩驛遞第十二

卷十二

典禮第十三

卷十三

賦役第十四

卷十四

歲時風土禮俗物產第十五

卷十五

大事表第十六

卷十六

五等表第十七

原书缺页

原书缺页

卷二十五

列女第二十八  
賢母 貞節 貞烈 孝淑

卷二十六

列傳藝文第二十九  
列女藝文附

重修固始縣志

卷十

邑令武進謝聘修

祠廟上第十  
社稷壇  
在西門外一里餘

月令  
春之月擇元日命民社

陳氏禮書曰社所以祭五土之神  
稷所以祭五穀之神

賈公彥曰勾龍生為后土官有功于土死配社而食

棄為堯時稷官立稼穡之事有功於民死配稷而食  
山堂攷索曰社為九土之尊稷為五穀之長稷生於  
土則社與稷固不可分宜合祭

舊志壇制東西二丈五尺南北二丈五尺高三尺一  
成用營造尺四出陞各三級繚以周垣四門朱色自  
北門入壇南正中立石主一去壇二尺五寸露圓頂  
餘埋土中壇西北隅設瘞坎一成甃砌東向寬四尺  
深三尺西面作踏道上下神牌高二尺四寸寬六尺  
座高五寸寬九寸五分朱漆青字書縣社縣稷之神

臨祭設於壇上向有神厨三間宰牲房三間在壇西  
庫房三間齋宿所五間在壇東圯廢已久今就遺行  
事

雲雨風雷山川壇

在南門外一里許

周官大宗伯以禋燎祀觀師雨師以血祭祭五嶽以

狸祭祭山林川澤

唐書天寶五載詔以雷師與雨師同壇

明史洪武初年禮官言風師雨師之祀見於周官後

世皆有祭唐天寶中增雷師於雨師之次宋元因之  
然唐制各以時別祭失享祀本意宜與太歲風雲雷  
雨諸天神合為一壇春秋專祀三年詔以嶽鎮海濱  
及天下山川城隍諸地祇合為一壇與天神埒

舊志壇制東西二丈五尺南北二丈五尺高三尺一  
成四出陛各三級繚以周垣四門朱色自南門入壇  
立石主與社稷同壇東南隅設燎爐一座甃砌西向  
神牌高寬尺寸及漆字與社稷牌同書雲雨風雷之  
神居中境內山川之神居左縣城隍之神居右設祭

於壇上祭畢藏之城隍之祠

### 先農壇

在西關外二里許

左傳郊祀后稷以祈農事

月令天子擇元辰親載耒耜帥三公九卿諸侯大夫躬耕帝耜

光郡通志雍正四年令各省督撫轉行府州縣衛擇東郊潔淨豐腴之地照九卿所耕耜田畝數為田四畝九分立先農壇每歲仲春亥日各率屬員耆老農

國朝縣志 卷一  
夫恭祭先農之神祭畢行耕耤禮

舊志壇制東西二丈一尺南北二丈二尺高二尺一寸一成四出陛各三級繚以周垣三門朱色自南門入壇北建正房三間東西配房各一間壇東南隅設瘞坎一成西向寬四尺深三尺東面作踏道上下神牌尺寸與社稷牌同朱漆金字書先農之神祭畢供設於正房之中耤田距壇南二十步夾神路東西雍正四年奉文如式營建神室三楹廟房二間門樓一間耤田如其數乾隆三十一年知縣陸元鼎重修

關帝廟

一在東關一在西門內一在北門外

光郡通志順治元年定每年五月十三日祭九年勅  
封忠義神武關聖大帝雍正三年勅封關帝三代公  
爵曰光昭公曰裕昌公曰成忠公製造神牌供奉後  
殿五月致祭外定於春秋二仲月上戊日致祭乾隆  
三十三年奉上諭加封忠義神武靈佑關聖大帝其  
官建祠宇秩在祀典者並依新號敬設神牌以申崇  
奉

城隍廟

在西門內明知縣裴思明建正統十年知縣陳義脩  
正德七年通判閻秉初重脩崇正甲戌年知縣葛逢  
夏增建漢蓋明裡坊

國朝康熙二十一年知縣吳欽構於廟後捐官地一  
區二十六年知縣楊汝楫重脩後殿二座於街南建  
戲臺一座雍正十年廿日廣奉文重脩

葛臣曰事物紀原云秦功臣馮尚夢感於漢高祖曰  
奉天帝命與王領城隍陰事故自漢以來遂為天下

通祀明初承先代之舊洪武元年皆加以封爵府曰  
公州曰侯縣曰伯三年詔革去封號止稱某府某州  
某縣城隍之神是年六月又降旨各處城隍廟屏去  
間雜神道廟宇俱如公廨設公座筆硯如守令造為  
木主毀其塑像舁置水中取其泥塗壁繪以雲山其  
在兩廡者如之新官到任俾其與神誓

邑令楊汝楫曰按城隍為漢將軍紀信明太祖封忠  
祐王領固始縣城隍事今鄉中有廟三一在朱皋一  
在期思一在萬廟西北